

建安縣志卷之七

儒林

五代

孟貫字一之以禮義文章節儉爲當時師範人稱
孟夫子仕於周

宋

黃晞字景微年少時以有道稱閩中泉守陳靖福
守陳絳爭延請之躬率諸生試聽講席晞學無不
通尤游心春秋周易其說以左氏凡例得聖人之

建安縣志

卷之七 儒林

一

微鄭康成象數極天地之蘊學者校量攻擊莫能
窮粵突也嘗做論語法言著書十篇發明聖賢道
義之隱微與古今治理得失自題曰聾隅子欬歔
瓊微論其解曰聾隅者耕物之名欬歔者兼歎之
聲瓊微者逃之之謂也又著揚庭新論十篇指陳
當世之務景祐中年四十矣始隨鄉貢至禮部又
上五十策求應直言詔科俱以後時不得與試歎
曰老大不偶豈能復從諸少年場屋間乎然欲閱
天下義理觀未見書當居京師遂僦舍僻處而士



子競造其門一時公卿大夫交章論薦朝廷用丞相韓魏公言將以爲國子監直講晞自謝於富丞相曰某豈任仕宦者邪必不可辭願得七品閑官還南方足矣特詔授太學助教致仕嘉祐二年無疾卒於僦舍囊無餘貲惟著書數萬卷閩人蘓頌方仕於朝門人范遷張粵議請頌主其喪而韓魏公亦遣使爲幹殯且奠以文以爲晞之道德不用於朝引爲已過已晞子挈襁載遺書返不能歸橐殯于江都縣楊子寺後圃晞交遊故人因其爲復建安縣志

卷之七

儒林

二

土就葬其地其未葬也川陸之經繇者識與不識皆過其下咨嗟留連或爲歌詩哀詞或書名屋至於木屑竹籜題記殆遍其無位而得民至誠而感物如此江都宰羅適爲作輦隅先生祠堂而請蘓頌記之

練未字彥本幹譽子累試禮部不利閉門著書有大易發微二禮釋疑宋野遺民集

鄭轂字致遠鎮之子也初就學晝夜誦中庸不息父戲之曰此篇句讀易讀耶轂拱而對曰讀書止

於句讀安用之竊意聖人之道在此書也既冠而
入國學嘗執父喪火延喪室穀抱棺叩頭慟哭不
去已而火焚喪室柱至其半而止鄉人名爲止火
柱累舉未第歎曰昔之求道者尚友於古人吾今
未能及大賢之門其可已乎遂走河南值二程已
逝乃遊謝良佐之門而學焉嘉祐六年以八行舉
尋第進士調御史臺主簿祕書郎出守臨江軍正
祠歸自號九思

吳棫字才老時號通儒著論語十說及考異語解

建安縣志

卷之七 儒林

三

諸書嘗患字學訛誤作補韻若干篇朱熹評近代
考訂訓釋之學唯才老及洪慶善爲優遂據其說
以協三百篇之音

丘富國字行可常受學於朱熹門人淳祐中登第
爲端陽僉判宋社旣屋遂不仕著周易輯解十卷
經世補遺三卷易學記約五篇以發明朱氏宗旨
楊與立字子權受業朱文公之門知遂昌縣因家
蘭谿學者宗之稱鉛山先生所輯有朱子語畧二
十卷

余允文字院之以孟軻亞聖而司馬光作疑孟數
篇李觀鄭厚著常語及藝圃折衷皆肆詆毀乃作
尊孟辯三十餘條闢之朱熹是其說又爲之訂定
游侃從朱文公游所著有癸丑問答
鄭儀孫號翠屏從丘富國學易咸淳癸酉應賢良
舉又明年少帝北行儀孫退而著書易圖說詳解
大學中庸章句史學蒙求箋註性理字訓太守吳
率幕屬迎於學師事之

元

建安縣志

卷之七

儒林

四

張復字伯陽爲建寧路知事從陳儀孫學易得丘
氏之傳嘗輯諸儒議論編性理遺書十四卷

雷德潤字志澤一名逢辰父龍濟宋鄉貢進士以
狗國歿於難德潤學遂於易旁通諸子及律曆術
數之學舉明經歷除福州路教授樽節租入崇建
殿宇修置禮器及買田立義莊以贍士調長樂主
簿卒德潤爲學先德行而後文藝請論必以程朱
爲主教人必以聖賢爲法以子機貴贈祕書少監
鄒文慧字季和任司訓元末謝職服柴桑巾服講

明朱學本郡理學推文慧爲首

明

楊應詔字邦彥一字天游弱冠謁朱子祠仰而嘆曰他日不俎豆是非人也及壯舉嘉靖辛卯十上春官不第卒業南雍見奉常呂涇野先生遂師事之歸而倡道宗堂華陽山祠祀孔子及顏曾思孟周程張朱諸賢而拊以涇野揭涇野所嘗著教于壁間日與叅對年友溫陵蔡元偉亦自泉在建相聚琢磨四方賢哲若魏莊渠校章介菴袞莫不聞建安縣志

卷之七

儒林

五

而心契焉其學以寡慾正心爲立本以不愧于天爲歸的而于古今壯猷奇烈忠義慷慨之事一往激發寤寐矢之作衛道錄以闢禪作日史以自記又著有五經辨疑四書要義閩學源流錄困學錄等書

文苑

唐

葉京字垂孫工詞賦咸通二年進士州人登進士自京始廉訪使李景溫爲號所居曰茂才今南才

里是也官至太常博士

宋

張伯玉進士舉書判拔萃科嘉祐中爲御史嘗攻宰相文彥博不自安而去後出知太平府時曾鞏爲司戶伯玉一日語之曰吾方作六經閣子爲我記之鞏數呈稿終不合意乃自爲之其首云六經閣者諸子百家皆在焉不書尊經也鞏歎服從此益勵於學伯玉後遷司封郎官有蓬萊詩二卷

徐常字彥和元豐進士文學該貫與陳襄爲友別

建安縣志

卷之七 文苑

六

歷州縣奸民猾胥畏若神明與蘓軾兄弟遊從甚久又每慕二宋爲人常有詩云事業要須師二宋文章端是學三蘓軾亦常稱其爲天下奇男子

楊蟠字公濟進士爲密和二州推官以詩知名歐

陽修贈詩有臥讀楊蟠一千首乞渠秋月與春風

之句元祐中蘓軾知杭州蟠爲通判與軾唱酬居

多後知溫壽二州卒有集二十卷

詳見宋史本傳

林光字子輝性資極敏讀書過目輒不忘少有文名乾道初由鄉舉上禮部知舉梁克家喜其文以

策語大許寘第四名中進士丙科歷韶州循州教
授恬靜有守後以尚書韓元定薦除刪定官後監
左藏庫改秩知信豐縣部使者尚其政績卒于承
議郎嘗著建安誌二十卷又著兵論迂論數十卷
游次公字子明自號西池范成大帥桂林日次公
實叅闡幕有唱酬詩卷甚富尤長於詞莊父字子
嚴建安人號古洲居士博涉經史善詩文尤長於
詞其闋思鷓鴣天一闋云睡鴨徘徊煙縷長日高
春困不成粧步歌草色金蓮潤撚斷花鬚玉笋香

建安縣志

卷之七

文苑

七

輕洛浦笑巫陽錦文親織寄檀郎兒家閉戶春藏
色戲蝶遊蜂不敢狂

陳以莊字敬叟自號月溪詩句清新而詞尤擅各
一時玉林黃昇集中與詞選多取其詞

翁孟寅字賓賜善吟咏有夜泊一絕云夜泊寒沙
際江風起舊愁離情惟怕晚歸夢又逢秋人多稱
之

張諒字子京與弟貢學易于丘富國著經史事類
書澤二十卷後為秩翰林應奉文字貢字壯夫

毛直方字靜可宋咸淳中預薦入元授徒講學士
爭趨之有治靈稿四卷聊復軒稿二十卷嘗編詩
學大成及詩宗羣玉府三十卷行於世後以教授
半俸終其身

劉邊字近道與熊禾友善工詩能文所著有讀史
摭言若干卷自家意思集十卷

虞韶字以成博通今古善詩又嘗纂小學日記切
要故事十卷行於世

建安縣志

卷之七 文苑

八

虞廷碩字君輔工詩文尤遠舉子業嘗編集歷代
制誥五卷詔令四卷古賦準繩一卷行于世

蘓照字明遠工詩文尙儒術後進多師之至正間
以明經薦至京預纂脩事欲授以官以親老辭臨
川劉灼贈詩有才子曾聞起建安若爲金馬得辭
官之句尤精墨菊山水諸畫稱爲名筆卒年八十
子伯厚見選舉

明

初恭叔名恭以字行幼穎悟十歲作靈圖南董

大爲時稱元季以詩經中湘江鄉試第一錄文叔以詩中第三時號聯璧俱不仕洪武初以薦訓導建安有文集若干卷祀府學尊賢堂

張昌齡字有年博學善吟嘗從杜本蔣易遊甚有詩名書法亦遒勁洪武間薦至京陛見之日太史奏卿雲見上大悅是日同舉者十有三人特旨俱除僉事不避籍貫任福建按察司未幾致仕卒所著有詩集一卷飯牛庵漫錄一卷

蘓仲簡名境以字行照之子好學善文辭與兄伯

建安縣志

卷之七

文苑

九

厚弟叔敬季雅自相講授洪武初以明經薦授崇安縣儒學訓導以詩鳴所著有敬所小藁四卷御史廬林陳仲述謂仲簡古詩如玄酒太羹土鋤瓦缶質而不俚近體律絕如正人端士褒衣危冠樸而不陋歌行古詞如山下出泉鏘然有聲聽之無窮人以爲知言

蘓伯厚名崑以字行文行見重洪武乙丑以明經授建寧訓導後學多所造就永樂初預太祖實錄遷翰林侍書復預修永樂七典兩典春闈伯厚學

本誠實議論皆有根據有素履集子繼以明經歷
官稽勲郎弟仲簡

楊壽夫名松以字行通春秋孝友篤摯建文辛巳
郡守芮麟薦歷本學教諭多所造就典鄉試者五
會試者二宣德中楊文貞輩交薦之陞翰林院編
修預修宣廟實錄官至修撰

楊亘字恆叔成化鄉薦除順天判陞治中轉太僕
少卿正德中引疾歸闢園治於所居之南摘靖節
歸去來辭中語編名曰陶園吟咏其中所著有紀

建安縣志

卷之七

文苑

十

行錄南都錄文獻內集陶園錄鳴鶴餘音等集
滕霄字子冲選翰林庶吉士轉修撰預修國史進
講經筵陞司經局洗馬清慎敦厚爲文純正典雅
一時翰學咸推重之

楊晉亨號燕山廩生文敏公榮裔孫博極羣書六
經子史皆能發其奧旨古文詞直逼秦漢詩有盛
唐風督學宗方城公稱爲絕代奇才有文集若干
卷藏于家

潘晉臺字士閣崇禎乙亥拔貢孝友醇謹敦睦宗

族甲申後絕意仕進公庭屏跡博極羣書所著有
三禮大成易綜明詩表和陶賦序傳待庵筆記若
干卷

武功

唐

劉守謙肅宗朝討安祿山有功授處州刺史今縣
有刺史祠

陳誨字巨訓始生數月足勁能履其父異之因名
爲阿鐵及長趨捷有勇又呼爲陳鐵事王氏有戰

建安縣志

卷之七 武功

十一

功建州被圍誨數出挑戰唐兵多苦之及城陷爲
王建封所獲將殺之誨走自歸查文徽文徽禮之
復以爲將使領兵招懷散亡且數表其能潘承祐
亦薦之授劔州刺史破馬先進有功拜建州節度
使委以南方之事誨善脩守脩郡政無斃周師伐
淮甸誨遣其子德誠率師赴難壽春之役諸將多
逗撓唯德誠力戰未嘗挫衄師還拜德誠和州刺
史誨由是恩寵日加改其軍名忠義以旌之諸子
皆至顯職在鎮十年以疾求罷乃以其弟劔州

史謙爲留後召誨還都疾甚後主親往視之未幾卒

宋

魏勝幼無賴膂力絕人隸軍籍爲市游徼嘗宿永安寺門下夢金剛神謂曰吾耳爲烏棲所苦爲我去之當與爾一指力覺而從其言勇力頓增靖康初從禁旅戍滑臺軍帥令軍中日挽弩十石者補指揮使勝躍然應命帥請教場引試且下令曰若挽不及格者炮勝挽弦時若有神助弦斷弩折一

建安縣志

卷之七

武功

十三

軍皆驚由補本軍指揮使未幾歸建州爲威果指揮使部下葉儂輩以州司不支卸甲錢謀反指勝爲主時變起倉卒賴勝彈壓方議招降衆疑勝欲害之勝謂之曰今當與爾等決生死於神衆譁然聽命勝禱于神曰使勝不與諸軍同心任從諸軍造反殺人不服招降神其賜以凶兆如或勝之心不如此諸軍自生猜貳無故欲加害於勝神其賜以吉兆兆得吉衆始帖伏開城約降部使者以勝彈壓有功奏補承信郎權本州兵馬監押卒

謝勲字致遠少孤寒及長膂力過人舉進士累歷
邊任黃州首領黃安俊叛近臣薦勲才武可任召
對稱旨勲會兵進擊搆其巢穴追獲安俊斬之轉
右武大夫邊郡團練使卒贈威德軍節度使加贈
少師

謝澈字望中少師勲子也超逸不羣該綜書傳以
任子恩授三班奉職調監雞川寨酒稅復監虢州
倉草場五遷至西頭供奉官改秉義郎劉韜辟爲
陝西平貨司官進築鎮武軍又差提舉秦鳳路弓

建安縣志

卷之七

武功

十三

箭手司幹當公事勲没于王事上旌其後易以文
階改授宣教郎監在京布庫知壽安縣丁內艱寓
居嘉禾靖康之難澈謁太守請刻章赴元帥府勸
進識者是之領祠卒官至朝散大夫

明

連鏞字文韶智之子強記能文嘗以春秋舉弗第
正統末強賊陳保仔黃住七等陰倚沙尤賊鄧茂
七聲勢爲亂官兵久弗克鏞奉檄親往巢穴招撫
之許以不死從而復叛者至再鏞開關山谷反覆

諭以禍福賊終懷二鑪乃行反間誘諸賊自相攻
擊遂設伏殲其首惡於鼎面村羣盜一時就擒事
聞詔褒義勇冠帶榮身

流寓

陳

顧野玉字希馮吳郡人隨父烜之宦建安遂居焉
侯景之亂野玉先以策憂歸本郡廼募鄉黨隨義
軍援宣城王體素滿羸及被甲陳君臣逆順
之義詞氣俱壯城陷逃會稽仕陳爲黃門侍郎遷

建安縣志

卷之七

流寓

十四

光祿卿野王通經史善丹青尤精於字學初與瑯
琊王褒並爲宣城王賓客王甚愛其才於東府起
齋令野王畫古賢命王褒書贊時人稱爲二絕幼
年嘗撰建安地記二篇後又撰玉篇三十卷輿地
志三十卷符瑞圖十卷顧氏譜傳十卷分堊樞要
一卷續洞冥記一卷元遠象一卷並行於世又撰
通史要畧一百卷未就而卒

明

李材字孟誠江西豐城人嘉靖進士歷官粵東滇

南擢鄖陽巡撫尋謫戍閩漳往還武彝之山間因寓建安卜築城南清芬館四方從遊甚衆萬曆乙巳死曾告變滇臺咨取區畫便道歸里卒學者稱爲見羅先生

柯挺字以拔海澄人由北雍舉萬曆癸酉順天解元庚辰進士累官南京提學御史戊子過建安愛其丹山碧水之勝卜居紫霞洲當發解時故遲謁江陵相致憾以進士令南樂鋤強辯枉稱神君會江陵行文田法挺盡以溢額補瘠地稅益重其憾

建安縣志

卷之七

流寓

五

江陵敗擢御史時議易壽宮力請易向母易山導駕親覽條對明切上悅賜食差刷光祿奏罷內苑糜費按楚值鄖陽軍變誅其元兇遂定歲稔設法發倉拯活全楚楚人立石督學南畿識拔皆名士丁艱服闋絕念仕進卒年七十四所著有史雅正史刪史經千文說四部逸民傳世家列傳建安風土記若干卷藏於家

揭重熙字君緝號萬年江西臨川人以五經成進士除知福寧州闖賊陷京師詔天下勤王聞學使

郭之奇倡義募兵舉重熙爲師抵金陵聞大兵南下重熙所部兵潰退屯建昌邵武間知無濟以黃冠隱寓崇安數年後郡將物色得重熙于武彝山中昇至建寧寘諸獄門人孝廉陳士道貢生朱國龍聞重熙被械來謁請畱獄中講學賦詩慷慨當以慨獄卒聞知皆泣下時順治八年十一月丁丑巳時重熙同五人就戮南市一爲士道一爲國龍餘三人未詳姓名其從者鄧貴戴鳳亦殉于劍重熙臨刑詩有平生不數常山舌今日欣依紫市魂

建安縣志

卷之七

流寓

十六

之句見通志郡志已祀江西鄉賢

孝義

宋

郭周孚字仲先事母至孝熙寧間調湖州德清簿遷閩縣令嘗遊蘇軾之門聲譽藉甚居母喪哀毀篤至旣葬廬墓三年郡守欲以八行薦力辭服闋以朝散郎通判興國軍子擇仁登進士第

雷覺民字將道父將得官卒其祖悲念不已覺民期必繼父業乃杜門逾十年第進士調漳浦尉有

政聲改湖州司錄太守給軍糧不時諸軍喧於庭
覺民造論之曰郡實空乏今以經制錢代給汝設
府公不吾聽當積月俸爲償之諸軍感謝退知南
華縣丁母憂廬墓三年嘗倅鄉郡未老丐祠卒年
九十五覺民常於官所買婢隨女嫁旣知爲宦家
女以父死賣以舉喪覺民惻然爲擇賢士輟女奩
嫁之盜拆其妻墓亭召盜來與之米曰君饑餓故
子光遠興化理榷光曾遭判廣州

元

建安縣志

卷之七

七

楊達卿名福興以字行家素饒裕宗族之貧病者
咸周之於鄉黨亦然嘗有盜踰垣入達卿覺潛啟
戶鑰使得出里人李必延將鬻其妻債富人錢達
卿代償之而完其夫婦後必延從無賴爲羣盜圍
城邑來謁達卿欲挈與俱去達卿反覆諭以禍福
必延歸言渠魁悉解去歲嘗大饑達卿欲發廩而
惡有其名乃募民樹木於山隨其言樹多寡先給
之粟旣穀歲木皆長茂戒子孫無自利庸以給民
居無室廬沒無葬具及學校釋老之爲官室者那

守阮德柔因作萬木圖美之卒年七十有四以孫榮貴累贈以傳工部尙書兼謹身殿大學士卒之日孫曾幾百人

明

鄒伯陽又名文復儻博學善吟咏元末隱居不仕明初總兵胡廷瑞圍城人不下欲屠之太守翟公募耆德詣歸伯陽應命往言詞慷慨廷瑞爲動曰姑聽於天封三牌鐵一銅一牙一命探之決曰得鐵屠得銅獲指金帛得牙活伯陽默禱得牙遂

建安縣志

卷之七

孝義

六

獲全城詳梨嶺廟碑

楊伯安字文思以孝友聞洪武初以人才薦伯安辭母老不就兄伯祥以守庾損糧罪當死伯安請於母曰兄無嗣兄有子請代母泣然其請卽詣獄被械歲餘臨決忽遇恩宥得免伯祥尋亦以薦授官

楊伯成字士美伯安兄事親孝謹尤篤友于一舉茂才再舉孝廉皆不就後以子大學士榮贈官
葉彬字允均父濬永樂丙戌進士知鄱陽縣公出

一日暴水壞解垣彬祖母令人撤板榜以蔽讐家
發其事法當論死彬母欲以身代彬時年十歲卽
自詣官首實得收贖後都察院疑其獄逮問拷掠
一詞竟得宥免彬後歷六安虞城二學教諭
魏宗欽自幼讀書恒以古人自期父康爲斗役虧
糧法當論死宗欽毅然別妻子詣官請代父罪繫
獄歲餘將論決遇恩宥得免

楊讓字允謙太師榮仲子居家孝友敦睦歲散粟
以周貧族又購田二頃以給族里嫁娶喪葬不能

建安縣志

卷之七 孝義

九

爲禮者沙尤寇劫掠鄉村民居悉燬過讓廬相戒
勿犯所著有澹菴集

蘓鏞字良璇號守愚鑑之弟好學善楷書克敦孝
友居家不爲侈靡不作佛事雖鄉人亦多效之正
統間盜起高陽里有司擇信行素孚者往招撫之
鏞被薦以行賊遂順聽歲鄉飲必禮鏞爲大賓年
七十終

李埜字士林正統間沙尤盜起民潰匿山中惡少
爭謀搶掠埜諭以憲典且曰若輩求粟何必走死

地指困授之疾草囑諸子焚通券毋作佛事侍郎
崔銑爲撰墓表子柎克世其德孫默官至吏部尙
書

鄒漢字雲卿郡庠生事父母孝愛讓產與弟自授
生徒每夏秋間修合痢疾丸藥施之療人病歲暮
有被債者欲投井死力救止之代償其負

陳錢字大用孝子榮之孫平生慎言笑重然諾每
稱引必舉祖忠肅公也尤慷慨好施予巖峻不可
干以私鎮守太監某遘疾危得錢竒方而愈以數

建安縣志

卷之七

孝義

二十

百金却不受及鎮守歸復投原金與點蒼石一片
而去竟追還其金嘗曰吾家世孝友不可違也三
山林文安陳都憲公皆與爲詩友

林釗字世用早歲喪父力藝以供母母有足疾釗
負出入無倦平日又好施甘鬻田產以賑貧乏壽
百歲萬曆撫按勞堪龔一清疏請詔賜絹帛

陳啟字九成精岐黃術雅重公卿間事母李至孝
母疾稽顙北辰求代已而母以天年終送殯皆如
禮士大夫好禮者趨法之

陳鈞字熙載歲貢爲曲江訓導因母疾請醫畱心
濟人貧病來者施以藥餌兼資米粥有以急告輒
脫衣賙之出見筍魚籠鳥必市而縱之在曲江加
意訓士捐俸資貧二年謝歸子漢

陳漢字章甫父年八十餘定省不懈父行執杖隨
之父好施樂助濟人後以歲貢授建德訓導縣尹
欲剗鼓樓諸生慮妨學宮漢力引諸生止之尹不
從慨然曰吾父老矣遂棄歸

朱柱石字美初母金氏以哭夫喪明柱石禱於天

建安縣志

卷之七 孝義

三

忽遇異人授七藥母日復明性樂施見人患急多
捐已財賙之每天暑施好茗以解人渴三十餘年
不廢崇禎丙子大歉柱石捐資煮糜食饑者邑賴
不殍卒年八十三按院李嗣京爲旌其廬曰天爵
有餘疏題贈壽官

倪應元字泰初郡諸生事父母以孝聞提學蔡國
珍召講學五經書院遭喪值火盡棄貲扶柩出走
露宿守之

劉楫字汝濟嘉靖丙辰饑捐粟賑濟郡守偏其尙

義歲丁巳邊儲匱急奉詔輸粟萬石都御史上之
授指揮僉事三請鄉飲堅辭不赴

李培字汝耘默之子隆慶恩貢事繼母齒得其歡
心撫孤姪若己出親朋不能葬者捐資以助鄉里
重之

張竣字儼竹萬曆丁巳歲貢性純孝父病失明竣
晨興以舌舐其目踰二年復明事母范氏年九十
三歲敬養如一日

謝勳字汝賢蚤年喪父有流寇突入其家家人盡

建安縣志

卷之七

孝義

三十一

走勳念孀母在堂挺身捍禦身被重傷母賴不死
又推業以讓兄萬曆間郡守許天贈旌其門

徐崑壯年失偶誓不再娶與友黃濡善濡遺崑百
金濡死崑念其子貧以原金還之郡守朱汝器賜
扁給冠帶

謝良慕義好施捐金重建先祠又買義山施棺埋
骼賙族賑窮還劉挺妻歸李冲妾人服其高誼

楊組字公佩繇歲貢歷台州教授擢潯州推官尋
致仕性醇行樸事繼母畜異翁以孝友聞歷宦蕭

然好行其德

滕元烈邑廩生嗜學篤行見義必爲祖遺公銀爲姪竊去陰爲補償事聞督學徐卽登獎異之

裴崇字汝高幼喪父事祖母繼母以孝稱憫俗火葬施棺捨地每歲歉發穀平糶鄉人賴之

張貞度字惕牛從學莆中朱吉林後朱卒貞度爲扶襯以歸朱故貧家有六喪未葬貞度哀之爲葬六喪而後回明末由拔貢選廣東雷州府通判以親老力辭不赴子寅恭登進士

建安縣志

卷之七

孝義

三

國朝

鄭國佐字振華幼失怙依伯兄國卿事母黃氏曲盡孝道母嘗病劇燃臂香哀叩北辰病隨以瘳事伯兄友愛甚篤家庭之常循循敦禮節不衣冠不敢以見家長者喜讀書見書所載忠孝事津津道以淑家人子重時齒穉卽解大人意授孝經必拜而後讀母徐氏課學尤嚴雖祖母黃極愛其孫不以舍館之故廢慈教黃後享年八十三順治四年秋七月王祁據郡城荼苦百姓國佐挈眷避西鄉

以母病無所得藥復入城就醫迎徐氏使侍湯藥
母以天年終僅出喪槨而

王師之戡亂者已臨城下矣賊思突圍冀僥倖國
佐憂之語徐曰賊欲突圍必焚城城焚則玉石不
分我家世孝義今以母故陷圍中此天數也子爲
母死孝婦爲夫死義綱常大節我兩人全之可以
視之如歸矣遂作血書寘牆隙舉火自焚子重自
鄉亟來省詣故址睹牆隙有異得血書媿媿皆忠
孝語慟哭曰我父母居恒名節相勗今果然哀哉

建安縣志

卷之七 孝義

二四

重後中順治戊戌進士歷官累陞至少司寇晉秩
光祿大夫贈國佐如其官母徐氏贈一品夫人次
子默萊州府濰縣令

方鳴鶩字冲漢府學增生年五十始生一子族弟
以儻故悞死其兒群詣鶩前請死罪鶩自恨曰嗟
乎此鶩薄德不足有其兒族弟豈殺吾兒者哉竟
釋之後娶妾舉兩子長域敷康熙丙午舉於鄉鶩
性孝友篤學力行爲塾師極善啟發年七十教學
猶不倦雖甚貧不苟取一介

滕峻字兩華歲貢性至孝事母曾氏承歡無所迂
居孔道兵猝至峻負母逃深山宅毀傷不顧曰吾
得母無恙足矣叔早逝遺一女峻視若同懷竭其
產奩之而一無所私祖居七里地憂旱峻出財倡
衆修埧堰疏泉源穀歲以稔里有貧而稱貸者悉
出券焚之建安學久燬爲白當事糾同志竭力經
營學落成好鼓琴賦詩及作古文詞旁通象緯地
理岐黃又好獎士類家有館曰天遊延名師教子
弟親友來學者飲食敦勉之子弟多賢肖同學亦

建安縣志

卷之七

孝義

三五

皆成名去先是耿藩叛殂之仕遠遁破家不爲屈
年八十屢舉鄉飲不赴尋卒

黃旋字元吉號慶菴歲貢生性至孝友父思恒病
親侍湯藥衣不解帶父年八十四歲卒喪塋盡禮
忌日必至墓拜哭甲寅藩亂避難沙源母汪氏雙
眼失明鄉苦無醫有老人謝楚珩云目可用舌舐
旋如其言每晨卽以舌舐目晝夜焚香禱天求以
身代如是者累月母目復明兄元章早故撫兄子
如已出待族人若至親凡貧而乏嗣者爲給衣食

完殮埋及卒猶命男天球繼續給膳不飽有鄉人
童君郎因富室逼債嫁妻以還旋知捐已代償全
其夫婦又有黃俊郎因李氏逼債投河子迫告旋
卽使救甦代償其券旋更重節好義於城西置義
塚土名奶婆山聽無力者安葬他如學宮東嶽橋
梁道路有關風土者解囊修建人甚德之子天球
歲貢克繼父志尤敦孝義行已方正當事推重
林伯駁字子昂號千駒平日孝順十歲喪父每泣
幼不及事凡歲時飲食必祭事母余氏時海氛播

建安縣志

卷之七

孝義

二十六

遷母足不能行躬自背負不辭艱辛及卒哀毀骨
立有從祖廷文履象孤貧爲給衣食殮具性更好
施值海氛流離族人楚徵等停棺數十悉爲之竭
力埋葬有婚不能完者解囊以贖於康熙三十年
同鬻一義女後知爲福省故家沈某之女卽買舟
親送還沈匪特不索身費且助其妝奩鄉評薦舉
鄉賓次子楷貢生截取訓導宗族鄉黨以孝友稱
林雲翔字士榮一字華山國學生考授州同知性
至孝友幼喪母孺泣不絕稍長喪父水漿不入口

者三四日比塋同兄士班廬墓側兄以弟幼苦勸
歸家不從曰吾寧死不歸痛哭失聲里人咤爲至
孝兄疾願以身代禱曰天寧亡我母亡吾兄比卒
哭幾死者數朔望必拜薦祀必誠事死如生年逾
七旬孺慕不衰代堂姪百燧娶張氏及燧死又撫
其子世芳世英並謀婚娶復給資本使克成立遊
庠外舅何姓乏嗣不特生養死塋更捐資擇嗣不
泯其宗憐貧恤寡掩埋孤骼捨棺捌百餘副修造
橋梁道路邑人感之康熙四十八年郡守鮑舉鄉

建安縣志

卷之七 孝義

三七

飲正賓旌達尊碩望匾額男梅字願學一字說巖
歲貢生性尤孝親歿哀毀欲絕棺側地宿三年因
以不茹葷至老縣學屢薦旌獎其門

劉學成字習志號純庵宋儒劉屏山十五代裔孫
時年十七遭妖僧王祁之變父祖卿遇害不避艱
險隻身背負父屍潛入山林安葬悲父罹難事母
黃氏竭盡子道不敢以貧故稍不盡心居西鄉離
城一百二十里母病思梨而過其候匍匐奔城覓
梨盡晝夜趕歸以梨奉母而母病愈後及母卒衣

衾棺槨雖貧必求盡禮母舅富密二人繼亡學成
曰吾舅既無所歸恐傷母志代為殯之其遠祖劉
屏山及五忠祠宇載在祀典者遭耿變焚燬學成
捐倡建置於本縣中和坊經載縣志其時署府事
劉為勒諸石又屏山講堂在甌邑梅岩年久頽廢
學成竭力修葺擇僧奉祀其祖文英明季庠生貧
無祀田遂勉克蒸嘗與堂弟如用等輪收備祭至
撫孤姪天錫輩扶養婚娶無異已子焉每庭訓務
以無墜忠賢家聲為期故今子孫世守儒業

建安縣志

卷之七

孝義

三

隱逸

宋

丘濬字思道精於曆數絕意榮達嘗為感事詩百
首辭多譏諷執政遂欲誅之仁宗曰狂夫之言聖
人擇焉因薄其罪又嘗著長世論五十篇言用兵
利害勝負韜畧時龍圖學士田瑜特為薦之詔除
萬年縣主簿濬蓬葦自適立志隱居竟固辭不赴
郡守聞其高風梗概甚仰慕之為之表其廬曰處
士坊

詹本字道生高抗不仕江萬里薦爲郎先致書於
本本方坐門外石磯垂釣使者至問本居本給曰
在卽持竿渡溪去不知所終
葉夢鱸應聘赴臨安少帝北行遂隱西甌以講學
爲事

元

江應隆自號菊隱求學於謝疊山疊山字之曰仲
龍蓋取孔明長笑隆中而時人以伏龍待之

周震一家在城府不妄交一人謝疊山枋得客建

建安縣志

卷之七 隱逸

三九

寧震一獨與相厚疊山稱其忠厚篤敬言不妄發
行不妄動翛然出塵之外而可與神遊入極之表
子持敬亦修真慕道爲疊山所稱

明

雷境字彥達幼孤事母至孝究心經史家貧至無
以自給永樂初有司以孝廉薦固辭乞歸絕跡城
市鄉人從其學者數十人皆舉進士第稱之曰慎
齋先生所著有閑居叢藁子鏃浙江僉事
蘓鉅字良聲伯厚從子喜積善工吟咏善楷書

石竹花木山水皆極其妙閉門終日不干世事一時隱逸有才行者必稱鉅云卒年七十有九號竹坡所著有竹坡集彙二十卷藏于家

劉楫字汝濟嘉靖丙辰饑捐粟賑濟脫妻簪珥施棺郡守扁其尙義丁巳歲邊儲匱急奉詔輸粟萬石都御史上之授指揮僉事三請鄉飲堅辭不赴隱紫芝山房置古今名物法書圖畫自逸

國朝

徐謙字又橫守介履端弱冠補弟子員聲噪黌序

建安縣志

卷之七 隱逸

三

聞甲申三月之變卽北向號哭焚巾袍潛隱山箐後督學閔公知其名而聘招之謙以疾辭堅不出家貧授徒簞瓢不繼澹如也博綜羣書老而不倦所著有澹遠堂詩集若干卷卒年七十有六

任元衷字上昇博學能文爲諸生時尙氣節淹通經史尤精周易洪範明末潛隱于家不通賓客著易鏡天文考邊志明紀全錄若干卷郡守張琦聘修郡乘不赴後督學沈涵執簡求藏書悉授之卒年八十有三

方伎

宋

文淑字景孟早遊太學善畫龍與陳所翁同舍時稱二妙後仕爲寧海軍節度判官

明

許宏字宗道幼業儒而隱於醫奇症異疾醫之輒効又工詩文寫山水花卉皆臻其妙卒年八十一所著醫方有遺元錄詩有南牕草錄行世

雷伯宗名勳以字行幼讀書明醫尤精于小兒科

建安縣志

卷之七 方伎

三

洪武間授醫學正科卒年八十四著有千金寶鑑得其旨者用之輒効子野僧亦明醫爲鄭府良醫楊暈字子充少爲諸生有聲嬰疾臥榻三年遂攻醫精熟方脈確有奇見卒年八十五

雷時中伯宗裔孫善易學及岐黃諸書醫能奇中貧者暮夜叩之必攝衣往酬以錢則辭蓋醫隱者也

雷鯉字白波寫山水花草老筆蒼然善詩工篆隸嘗遊攝山有天風醉花鳥之句極爲鍾伯敬所賞

列女

五代

鄭氏余敬洪妻南唐將查文徽平建州鄭為亂兵所獲以獻於裨將王建封建封欲犯之鄭不從脇之亦亦不屈建封轉歸文徽文徽亦欲犯焉曰王師弔伐宜旌賞節義以勵風化王司徒出行伍亡怪也君侯為國上將亦若是焉速殺我文徽媿而歸之

宋

建安縣志

卷之七 列女

三十一

曹修古女修古明道中知興化軍卒貧不能葬吏民賻錢五十萬拜酬堂下前白所以家人未及至女哭曰我先君居朝以清節自立不幸終於貶所今臨財苟得尙何面目旦夕哭泣帷中幸趣持歸吏民慙罷

劉氏曹覲妻皇祐五年覲守封州儂智高陷郡劉逃之林垌既聞覲死曰不可污賊遂自經追封彭城縣君

曹氏覲妹也從覲官次覲遇害氏亦自刎

元

官氏名勝娘方寧之妻寧耨於田氏饑之見一虎方攫其夫即棄饁奮挺連擊之虎舍去負夫至中途而死事聞旌之復其家

游氏雷德潤妻善書能文無子默禱於神夢黑熊行天遂生機機貴贈建安郡君機妻危氏亦贈建安郡君通書記作字有楷法善治家事人謂婦道母儀皆可無愧

明

建安縣志

卷之七 列女

三十三

魏氏名璣雷烜妻烜父棋尉興化烜與璣在侍至正壬辰羅天陵亂棋奉檄守海口烜挈璣侍繼母趙氏假館福州烜卒璣年甫二十有六明年棋亦卒貧無以為殮璣悉以首飾易喪具與姑趙躬請海口扶襯還舊寓自念二柩不能俱歸乃白于姑權窆烜柩於福州而以舅襯歸葬於建身冒亂離備嘗艱苦逮明混一始得寧居夫歿時子境未辟服闋趙諭以他適璣不從以死自誓境子鎡孫仕旃俱擢進士為浙江僉事享年五十有八

陳氏宜人名妙善宗人府經歷張珂母也珂守贛州
州巡宜人官舍每聞公堂有鞭朴聲輒令覘之潛
加戒止珂公退卽訓飭之曰爲民父母宜以寬恕
存心珂嘗以俸祿之入製輕煖市肥鮮以奉宜人
卽鬱鬱不悅曰吾意豈在口體哉

丘氏名鳳娘魏宗欽妻洪武初宗欽父康爲倉胥
坐法當刑宗欽詣官請代丘曰勉乎行矣君能爲
子妾不能爲婦耶宗欽就獄歲餘度當決遺書與
父訣父不忍觀火之丘遂痛哭自縊其後宗欽乃

建安縣志

卷之七

列女

三十四

得赦歸悲不自勝也曰吾不意生而婦不意死哉
江氏貢士雷溫之妻按察副使江鐵之女溫卒江
氏屢欲從之死家人保持之得免母欲迓以歸江
曰吾未亡人有死而已安可他往遂杜門不出奉
姑盡孝育子樛至於成立孀居四十餘年始終一

節

章氏名聰魏壽孫妻年二十八夫亡始生一子舅
姑老而貧聰守志孝養壽八十八卒宣德間旌其

門

張氏雷棟妻叅政張珂之孫女年二十棟卒無子
張氏甘貧守節四十餘年

陳氏名仁娘張伯輝妻輝卒二子尙幼陳氏誓不
二志撫二子俱成立次子琮娶葉氏生子慶方三
歲而琮亦卒葉氏年甫二十守志如其姑慶長遊
邑庠膺貢入國子監士大夫名其堂曰繼節作詩
頌美之慶後應貢士舉業亦以壽終

趙氏名富邑庠生滕奎妻奎早卒趙年方三十餘
引帛自縊欲以死殉家人驚救獲免乃躬績紡甘

建安縣志

卷之七 列女

三五

淡薄撫二女皆有歸育夫從子禮後其夫弘治辛
亥知府劉璵奏請旌表

張氏名閨楊士倫妻倫遘疾張求禱不効乃割股
和粥以進疾瘳已復作不可起泣曰君脫有不諱
妾當相從但母老子幼姑忍死以終事育必不負
君倫卒悲痛幾絕誓志不二時年未三十事姑盡
禮撫二孤昂昂皆成立弘治壬子知府劉璵奏請
旌表

周氏楊仕儀妻兵部員外郎周炫女讀書通大義

年十九歸仕儀踰年而仕儀病亟顧謂周氏曰吾
死數也汝年少宜自爲計周泣曰一與之齊終身
不改婦之道也况今有娠幸而得男妾願畢矣仕
儀卒五閱月而生子旦撫教成立登進士第累官
吏部尚書弘治壬子知府劉璵奏請旌表
蘓氏名貴娘貢生陳琦妻琦廷試歿於京師貴娘
聞計絕而復甦者再或勸之改適貴娘泣曰吾夫
士也吾忍辱吾夫哉時姑垂白在堂貴娘奉養得
其歡心撫幼子底於成立孀居三十餘年志節凜

建安縣志

卷之七 列女

三十六

凜弘治壬子知府劉璵奏請旌表

詹氏名善張澤妻生子鈞九閱月而澤卒詹年二
十三誓不再醮鈞長教訓有成卒年八十四

江氏名淑貞雷格之妻歸七年喪夫撫二孤啾啾
迄成立而啾貴矣

雷氏適朱文公十二世嫡孫鉞早卒無子其時舅
氏亦未有他子也雷哀毀幾盡強起事舅姑涕淚
至失明既舅生子鎔鎔生子法乃求法後其夫法
長襲五經博士

黃氏名蘭英邑庠生陳沆妻年二十四生子彬甫
週歲舅暨夫俱卒事姑孝勤彬後天憂憊逾月尋
卒年六十四

謝氏名翠邑庠生吳炫妻年二十四而炫卒甘貧
紡績事兩姑燃薪課督三子氏病姑爲延醫引斧
自誓曰寧斷臂不近男子也孀苦四十餘年卒六
十七萬曆中旌其門

龔氏貢士楊公載繼室公載偕前妻子承祚會試
俱卒於京氏年二十二遺子承禎年四歲嫡姑及

建安縣志

卷之七 列女

三七

其所生姑俱老貧皆龔支持之孫百朋登第旌表
曹氏陳岐鳳妻鳳沒氏年方十七有遺腹後生男
撫育成立家務不足勤紡績以佐饔飧年六十親
隣鮮有聞其聲見其面者

張氏諸生葉文梓妻年二十四而寡一子延宗甫
週姑且老斷髮自誓撫孤長之年八十餘以壽終
楊氏諸生陳照妻年二十七照歿子三歲獨繼姑
在堂老而貧乏楊之父舉仕爲通判曰女貧也從
吾宦不可隣家火不出避也曰吾子未歸然竟無

恙人以宋共姬方之

倪氏陳機妻機死氏年二十二守節不渝事舅姑撫孤幼卒年七十有奇

陳氏李文超妻文超之母亦寡守文超文超早卒遺子一週陳感激孀姑矢志勵節子銘長以諸生遊太學卒年八十三

吳氏邑庠生楊詹妻詹死氏年二十一無子擇楊氏族之賢者立爲嗣苦志守節訓子有成

徐氏周鶴齡妻年二十三而寡子幼姑老氏刺繡

建安縣志

卷之七 列女

三

奉養卒成子士英補諸生孫武烈舉於鄉年七十九卒

鄒氏指揮張應基妻基應試武場卒於省氏年二十計聞哀毀幾絕念夫功臣後裔獨抱遺孤撫養有成其子廷鉞襲官鄉里稱其賢

黃氏李璧繼室璧沒氏年二十一無子撫前妻子錡煢煢相依四十年有司旌之

馮氏邑庠生裴國宏妻宏卒氏年十九子成謨僅週歲鞠子成立三十餘年始終一節

王氏名蒲娘舉人龔士遴妻遴早卒僅生一子氏撫育成立生一孫氏喜謂可以延龔氏祀無何子死孫又死氏痛絕投高門井以死郡人傷之僉呈當道表其門崇禎間按院應喜臣題請建坊有節烈錄及紳士詩歌傳贊傳其事

黃氏邑廩生魏大壯妻壯高才賈志早歿氏撫二孤備嘗艱苦後仲子魏球戊子副榜歷任青浦縣公舉貞節立坊旌表

劉氏李竹山妻夫卒割耳守節後姑病割股和藥以進鄉人稱其孝節

夏氏李盛春妻姑病癰藥餌不効禱於神願減己年益姑壽因吮癰癰爲之瘳已而盛春病又刺血和藥夫亦以愈

陳氏李自葵妻夫歿弱笄守志教其子卒能成立

國朝

齊氏邑庠生楊偉妻戊子之變夫在外氏謂其女曰事勢至此逃將焉避與其被執而受污毋寧先死以全節遂與女相繼投井而死

謝氏各招弟陸觀順妻蚤歲夫亡無嗣脫簪珥葬之或勸其他適謝曰得同穴幸矣又何言甘貧苦節依女以終其身壽八十七

徐氏拔貢謝海之妻候選州同趙宗之母也順治五年大兵克城徐預奉姑入山而紹芳父子罹難幼孤遭掠時徐年方二十有二痛哭悲號殆不欲生兩目幾盲姑慰之再三徐恐以過戚重姑憂唯唯惟命一日得聞孤消息傾鬻簪珥百計贖回相抱而泣撫摩再四兩目復明九熊授書孤得成

建安縣志

卷之七 列女

罕

立以弟子員入成均考選州同康熙二十三年額部請旨建坊旌表命下日中外當道縉紳各贈詩章以揚孝節卒年七十有四

鄭氏儒士范天雯妻太學生念慈之母也年十九而寡侍孀姑溫清無倦苦節三十餘年撫孤成立康熙二十三年題請建坊旌表

鄭氏儒士徐士葵妻貢生之駒母也年十六適士英十八生之駒甫彌月士英卒孝事孀姑撫孤成立內外嫻族奉爲女宗康熙三十六年題請建

坊旌表當道縉紳咸有詩文頌揚苦節

薛齊宋郡庠生薛暄女年二十適張夔甫數月夔卽遘疾薛封股禱神願以身代夔卒撫棺痛哭不食八日而死郡守張邑侯崔給扁旌獎

陳氏邑廩生任元燭妻年二十四而寡事姑恭謹撫孤成立冰霜苦節內外無間言卒年五十有一張氏庠生徐駿聲妻年二十二而寡撫育幼孤茹荼苦節歷六十餘載卒年八十有五

道教

漢 建安縣志

卷之七 道教

四

梅福字子真壽春人尉南昌成帝時外戚王氏擅權福上書不報遂棄妻子而去後有人見其易姓名爲吳門市卒按舊志元始四年甲子梅福來建結廬城南山煉丹數年丹成服之驟鸞而去後人因名其山曰梅仙

錢鬱霄劉永志李氏三女同在白塔山修煉成仙貞觀辛丑獵者呂師逐獸入山中遇三女於石上圍碁因坐而觀之女授桃半顆與食俄頃獵具朽

爛歸家幾十年鄉人因師引至原處忽被照光百丈三女昇天遂號三皇元君立龍濟道院以奉之雨暘祈禱卽應

唐

馬氏大羅真仙故老相傳本建安將相里人俗名馬五娘適人一年而夫亡誓不二天夫家貧姑老紡績以養每洗足出入溪暴漲無舟可渡乃張傘仰置水上乘之以濟人異之嘗語人曰我非世人奈有姑在待終天年吾當去耳或早嘆鄉舉迺祈

建安縣志

卷之七

道教

四二

雨立應後姑以壽終喪事畢飛昇而去今建中名山所在有庵凡祈禱卽應

釋教

五代

白雲寺約禪師得法於翠微學禪師僧問不坐偏空堂不居無學位此人合向甚麼處安置師曰青天無電影韶國師叅師問甚處來韶曰江北來曰船來陸來韶曰船來師曰還逢見魚鱉麼師曰往往遇之師曰遇時作麼生韶曰咄縮頭去師大笑

塔在今白雲寺後

宋

白雲崇梵寺餘禪師叅雲居舜和尚得蒙密印出任白雲僧問臨濟喝少遇知音德山棒難逢作者和尚今日作麼生師曰山僧被你一問直得退身三步脊背汗流曰作家宗師今日遭遇師曰草賊大敗

圓悟禪師建安人號肯庵居五夫里開善院和晦菴梅詩有可憐萬木彫零後竝立風霜慘淡中贊

建安縣志

卷之七

道教

四十三

晦翁像語載縣志示寂日晦翁哭之曰一別人間萬事空焚香瀹茗悵相逢不須更化三生石紫翠參天十二峯

國朝

古雪禪師名通詰西甌陳氏子幼業儒十六歲出家黃巖得法天童悟和尚初受少宰熊文舉等請興江西翠巖寺入閩掃塔公請住佛頂重興龍山復受郡守范公承訓知縣鄭昱請興佛迹又請重興斗峯進院日石鼓自鳴三次四衆共聞時年七

十示寂著語錄四十餘卷行世嗣法雪門白桂廷
昌吾菴圓等十有二人

道需禪師字爲霖別號旅泊本建丁氏子七歲受
論語卽曉大意父少軒異之年十四病篤母禱觀
音大士前曰病愈當令事佛後果愈遂遣禮白雲
寺僧深公爲師凡諸經業諷誦如流初叅瓶窰聞
谷有省旣而往東溪荷山叅永覺師令看栢樹子
話久之苦無所入辭至杭州歷諸講席凡五年于
法華楞嚴大旨無不通貫復歸事永覺于鼓山日

建安縣志

卷之七

釋教

四四

加煨煉直透根宗永覺示寂繼席開法四方皈之
康熙八年歸建寧以白雲爲披剃所募聚鼎新又
建城南見善塔後駐錫東和之寶福二十三年復
還鼓山生平一瓶一鉢不蓄銖銜諸所檀供旋受
旋給身所至處禮拜恐後年八十八示寂著有旅
泊菴稿語錄一百九十六卷